

SEAD ŠEHIĆ vijećnik SBB

Pitanje: "Ponovo pokrećem pitanje nadležnoj opštinskoj službi da mi se dostave imena pravnog lica i osoba, koja su učestvovala u predmetu u Starom Ilijašu, gdje je došlo do nelegalnog pregrađivanja puta i zatrpavanja kanala za odvod površinskih voda. Da podsjetim, put je pregrađen od strane Asima Brahovića kome je put nelegalno prodati dato mu je rješenje koje je opština uvidjevši grešku poništila. Ponovo navodim da je tu došlo do povrede zakonitosti u upravnom postupku, nesavjesnog rada u službi, te elemenata prevare."

Odgovor:

U pogledu upravnog rješavanja u Službi za imovinsko- pravne poslove, geodetske poslove i katastar u predmetu koji se odnosi na raspravljanje uzurpacije na putnom zemljištu označenom kao k.č.br. 355/9 po kulturi njiva "Romandića polje" upisana u zk.ul.br. 2970 KO SP Donja Vogošća, Služba je 17.01.2014. i 14.02.2014. godine dostavila odgovore na postavljeno vijećničko pitanje. Predmet je otvoren dana 25.01.2010. po službenoj dužnosti a na inicijativu MZ Stari Ilijaš.

U dijelu postavljenog pitanja koji se tiče navođenja imena uposlenika Službe za imovinsko-pravne poslove, geodetske poslove i katastar koji su bili involvirani u rješavanje predmetnog, posebno lica u čijem radu su uočeni elementi zloupotreba, nesavjesnog rada, posebno elementi koji upućuju na eventualnu krivičnu odgovornost, ističemo da do danas nemamo saznanja o istom.

Dana 20.04.2010. godine Općina Ilijaš općinski načelnik je zaprimio Izvještaj o počinjenom krivičnom djelu od strane Munira Alić, koji je upućen od strane građana Mjesne zajednice Stari Ilijaš, koji je proslijeđen Službi za imovinsko-pravne poslove – Pomoćnik načelnika radi informisanja o istom. Navedeni akt je upućen i Kantonalnom tužilaštvu u Sarajkkevu, Pravobranilaštvo KS i OHR.

Kako je po navedenom aktu nadležno za postupanje Kantonalno tužilaštvo u Sarajevu te kako o odluci istog o daljem krivično-pravnom procesuiranju Alić Munira Općina Ilijaš nema daljih saznanja to je potrebno obratiti se Tužilaštvu Kantona Sarajevo radi pribavljanja informacije o kretanju predmeta po izvještaju o počinjenom krivičnom djelu podnesenom od strane građana Mjesne zajednice Stari Ilijaš.

Služba za imovinsko – pravne poslove,
geodetske poslove i katastar